

Fwen “Hag Song Guh Ndeu”

“两学一做”歌

□ Vangz Gozgvaoh / 黄国观

Mbwk:

Daihsam dwg vwnzmingz,
Itdingh geiq haeujsim,
Roxsoq dwg ngaenzgim,
Sevei cinbu vaiq.
女:
第三讲的是文明,大家一定记在心,
对人必须讲礼貌,特别注意敬老人。

Sai:

Daihsam dwg vwnzmingz,
Itdingh aeu roxndeq,
Daegbied doiq vunzgeq,
Aeu roxndeq aeueiq.
男:
第三讲的是文明,大家一定记在心,
面对老人要尊重,处处都有文明人。

Mbwk:

Daihseiq dwg huzndei,
Gensez ndei couh angq,
Gwnzbiengz ndaej habdangq,
Riu angq gvaq ndwenngoenz.
女:
第四讲的是和谐,还需我们去建设,

营造和谐新社会,个个幸福度日月。

Sai:

Daihseiq dwg huzndei,
Roxndeq ndei bae banh,
Guek huzndei cij an,
Ranz doxhuz couh angq.
男:
第四讲的是和谐,和谐社会好就业,
国家和谐就稳定,家庭和睦靠和谐。

Mbwk:

Daihhaj dwg swyouz,
Geiqmaeuz yaek aeu rox,
Fanz fazliz hix goj,
Goj ndaej swyouz guh.
女:
第五讲的是自由,既要有勇又有谋,
凡是法律许可内,大胆去做不用愁。

Sai:

Daihhaj dwg swyouz,
Bouxboux rox cingq ndaej,
Ciuq fazliz guh saeh,
Goj ndaej swyouz guh.

男:
第五讲的是自由,个个懂得就不忧,
按照法律来办事,自由去办不用愁。

Mbwk:

Daihroek dwg bingzdwngj,
Gou mwngz de doxdoengz,
Mboujguenj bouxlawz loeng,
Doeng deng fazliz caiz.
女:
第六平等在一块,我你他都同对待,
不管是谁犯了错,都受法律来制裁。

Sai:

Daihroek dwg bingzdwngj,
Swng mbaep doq mbouj ndaej,
Bingzdwngj daeuj guh saeh,
Bouxboux mbouj ndaej goem.
男:
第六平等在一块,贬损他人不应该,
人对事讲一致,都要平等来对待。

Mbwk:

Daihcaet dwg goengcingq,
Itdingh aeu roxndeq,

Guh saeh mbouj ndaej veq,
Roxndeq geiq ndawsim.
女:
第七办事要公正,大家一定懂才行,
做事不偏也不倚,公正时时挂在心。

Sai:

Daihcaet dwg goengcingq,
Itdingh seizseiz dwen,
Guh mbouj liuq mbouj bwen(bien),
Dwen daengz vunz sim fug.
男:
第七办事要公正,时时提到才放心,
做事不偏也不倚,做到公正和公平。

Mbwk:

Daihbiet dwg fazci,
Ndaej geiq cij naeuz ndei,
Langh bouxlawz famh saeh,
Fazliz bae caizdingh.
女:
第八讲的是法治,希望大家好好记,
如果哪个犯罪了,裁定都是依法律。
(caengz sat)

Cieng Ngeihseiq Ram You

两英庙会赞歌

□ Banh Cuhlenz / 班珠莲

Sai:

Cieng ngeihseiq ram you,
Gyaeuj mou baij gwnz daiz;
Duzyou byaij gvaq gai,
Bauj vunzlai vuenyungz.

Mbwk:

Cieng ngeihseiq ram you,
Gijraeuz bouxboux angq;
Oemq laeuj gang dem gang,
Deq bang baengzyoux daeuj.

Sai:

Ngoenzneix cieng ngeihseiq,
Seiqhenz cungj hemq riu;
Vunz ganj bae caeq miuh,
Caenx dwk giuz yaek raek.

Mbwk:

Ngoenzneix cieng ngeihseiq,
Seiqhenz miz sing go;
Mboujguenj geq rox coz,
Gunghoh raeuz Yinghhih.

Sai:

Haeuxnaengj rangyimyim,
Aensim angqyouyou;
Gyoengq caencik baengzyoux,
Angqcoux daeuj Yinghhih.

Mbwk:

Faenjsaemj ranzranz miz,
Gya di duh caeuj coeng;
Feihdauh caen mbouj doengz,
Gwn roengz dungx nanz lumz.

Sai:

Gwnz gai gyaeujvunz ndaem,
Gwnz doem bauqcej hoengz;

Vunz baenzbang baenzgyoengq,
Doengz bongh daeuj Yinghhih.

Mbwk:

Gwnz roen ci baenzrangh,
Geuj baenzbang foenxfoenx;
Doemhenj mbin baenzroen,
Moengfoenz boux byaij roen.

Sai:

Seiz Yinghhih vunzlai,
Gaiqqaiq cungj miz caez;
Gimngaenz coux rim daeh,
Bit gaeq ciengx baenz ranz.

Mbwk:

Ok gai miz ci naengh,
Daengz ranz miz gunghdiuz;
Duznyungz caiq mbouj ciuz,
Hemqriu gvaq saedcej.

Sai:

Lwg Yinghhih coengmingz,
Lumj duzlingz gwnz bya;
Mbouj luenh guh gijmaz,
Gimngaenz ma baenzraq.

Mbwk:

Lwg Yinghhih coengmingz,
Hwnj laeuz bingz gwnzmbwn;
Ngiengx gyaeuj yawj laeuz gwnz,
Mauh doek gwnz giujdin.

Hab:

Gyoengq caencik baengzyoux,
Gijraeuz aeu ndaejgeiq;
Bimoq cieng ngeihseiq,
Lij caez daeuj Yinghhih.



Bya heu nyumx raemx baenz saekloeg.

Aeu Yunghsim Doegsaw

要用心读书

□ Moz Youwnh / 莫幼恩

Sai:

Go ’ndoek caeuj gofaiz,
Bai doxbaih henz dah.
Daengz neix deq nuengx ha,
Fwen siuhsaj it seiz.

Mbwk:

Cien naj gwn raemxdaemz,
Cien laeng gwn raemxmboq.
Daengz neix caj beix go,
Fwen roengz loh lawz bae.

Sai:

Ngoenzbonz raeuz gizgauj,
Mwngz gauj ndaej geijlai?
Gou cam mwngz haenj gvai,
Ndaej geijlai faensoq.

Mbwk:

Yijvwnz ndaej hajbet,
Suyoz ngamq cibhaj.
Mbouj baenz vunz beix ha,
Mbouj miz naj doiq vunz.

Sai:

Banneix aen seiqqyaiq,
Gaiqqaiq yungh vwnzva.
Gou naeuz mwngz nuengx ha,
Miz vwnzva cij baenz.

Mbwk:

Gangj doegsaw daeuj daengz,
Gou ngeixyaeng lailai.
Diuz mingh gou mbouj gvai,
Ngeixyaeng baenzneix lai.